

BOSNA I HERCEGOVINA

Ministarstvo pravde



БОСНА И ХЕРЦЕГОВИНА

BOSNA I HERCEGOVINA
Министарство правде
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
SARAJEVO

Broj: 07-07-14-11910/09
Sarajevo, 04.11.2009. godine

| | | | |
|-------------------------|-----------------------|------------|--------------|
| PRIMLJENO: 4. 11. 2009. | | | |
| Organizaciona jedinica | Klasifikaciona oznaka | Redni broj | Broj priloga |
| 01/a | 50-1-15-62/09 | 15-62/09 | |

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

N/r predsjedavajućeg Predstavničkog Doma, gosp. Milorada Živkovića

PREDMET: Odgovor na poslaničko pitanje,

Veza: Vaš akt broj: 01/a-50-1-15-62/09 od 16.10.2009. godine

U prilogu dostavljamo odgovor na pitanje gosp. Denisa Bećirovića, zastupnika Predstavničkog doma Parlamentarne skupštine Bosne i Hercegovine, postavljeno na 62. sjednici Predstavničkog doma održanoj 14.10.2009.godine.

Za pripremu odgovora Predstavnički dom Parlamentarne skupštine Bosne i Hercegovine zadužio je Ministarstvo pravde Bosne i Hercegovine.

S poštovanjem,



Dostavljeno:
- Naslovu x33
- a/a

PARLAMENTARNA SKUPŠTINA BOSNE I HERCEGOVINE PREDSTAVNIČKI DOM

Denis Bećirović, zastupnik Predstavničkog doma Parlamentarne skupštine Bosne i Hercegovine, na 62. sjednici Predstavničkog doma, održanoj 14.10.2009.godine, postavio je slijedeće poslaničko pitanje:

„Koje će konkretne mjere preduzeti Ministarstvo pravde u Vijeću ministara BiH, nakon objavljivanja neutemeljene i nepravedne presude Okružnog suda u Beogradu, državljaninu BiH Iliji Jurišiću, s ciljem zaštite elementarnih ljudskih prava istog“

U vezi sa navedenim pitanjem daje se slijedeći

ODGOVOR

Ministarstvo pravde Bosne i Hercegovine je odmah po saznanju za lišenje slobode Ilije Jurišića, a imajući u vidu da se krivični postupak vodi i od strane Tužilaštva Bosne i Hercegovine, stupilo u kontakt sa nadležnim organima Republike Srbije u cilju izručenja gosp. Jurišića i ustupanja krivičnog gonjenja nadležnim pravosudnim organima Bosne i Hercegovine. U tom cilju Ministarstvo pravde Bosne i Hercegovine je od svih relevantnih organa i institucija zatražilo hitno prikupljanje cjelokupne ekstradicione dokumentacije, kako bi se kompletirala molba za izručenje gosp. Jurišića, odnosno ustupanje krivičnog gonjenja nadležnim organima Bosne i Hercegovine.

Predmetna molba za izručenje, u kojoj je sadržan i alternativni zahtjev za ustupanje krivičnog gonjenja, prosljeđena je Ministarstvu pravde Republike Srbije dana 04.07.2007.godine.

Po otpremanju ove molbe, Ministarstvo pravde Bosne i Hercegovine je preduzimalo sve aktivnosti u skladu sa međunarodnim ugovorima i konvencijama koje obvezuju obje države, radi udovoljavanja zahtjevima iz podnesene molbe.

U Beogradu je dana 21.08.2007.godine održan sastanak ministara pravde Bosne i Hercegovine i Republike Srbije, na kojem je ministar pravde Bosne i Hercegovine iznio i obrazložio svoje stavove u vezi opravdanosti molbe za izručenje, te se osobno založio da zamoljena strana istoj udovolji.

Dana 07.09.2007.godine, ministar pravde Bosne i Hercegovine uputio je i protestno pismo – notu Ministarstvu pravde Republike Srbije, kojom je zatražio razjašnjenje ovog slučaja i naveo valjane razloge zbog kojih smatra da je molba za izručenje gosp. Jurišića osnovana, te zamolio povratnu informaciju u vezi sa ovim predmetom. Posebno je ukazao na kršenje Evropske konvencije o pravnoj pomoći u krivičnim stvarima, kao i Bilateralnog sporazuma od strane Okružnog suda u Beogradu, na način da su pozivani svjedoci iz Bosne i Hercegovine lično i uz prijetnju kažnjavanja u slučaju neodazivanja pozivu.

Od tada se odvijalo niz značajnih aktivnosti vezanih za slučaj Jurišić. Okružni sud u Beogradu – Vijeće za ratne zločine je u više navrata, putem Ministarstva pravde Bosne i Hercegovine, tražilo od nadležnih organa Bosne i Hercegovine saslušanje određenih svjedoka vezanih za ovaj slučaj, te je svaki put u dopisima Ministarstvu pravde Republike Srbije ukazano na obveze po pitanju podnesene molbe za izručenje gosp. Jurišića.

Među mnogobrojnim aktima upućenim Ministarstvu pravde Republike Srbije, a vezano za ovaj slučaj, posebno treba istaći akte Ministarstva pravde Bosne i Hercegovine – urgenciju od 31.07.2007.godine i 23.10.2007.godine, kojim je Ministarstvu pravde Republike Srbije ponovno ukazano na obveze preuzete međunarodnim ugovorima. Istovremeno se navedenim aktima urgiralo postupanje i dostavljanje odgovora po navedenoj molbi. Uz akte su davane i pismene elaboracije o opravdanosti naše molbe i iste nisu osporene od druge strane.

Dana 12.11.2007.godine ministru pravde Republike Srbije ponovno je, putem Ministarstva inozemnih poslova Bosne i Hercegovine, upućena Nota, u kojoj je ministar pravde Bosne i Hercegovine još jednom podsjetio vlasti Republike Srbije na obvezu izvršavanja međunarodnih ugovora.

Ministarstvo pravde Bosne i Hercegovine je i u toku 2008. godine nastavilo sa preduzimanjem aktivnosti u skladu sa međunarodnim ugovorima i konvencijama čiji je član Bosna i Hercegovina, a u cilju razrješenja slučaja Jurišić Ilija, odnosno nastojanja da se krivični postupak koji se protiv imenovanog vodi u Republici Srbiji ustupi pravosudnim organima Bosne i Hercegovine.

U okviru svih preduzetih aktivnosti, a u cilju razjašnjenja spornog pitanja, delegacija Parlamentarne skupštine Bosne i Hercegovine je, na vlastiti zahtjev, 17.januara 2008.godine posjetila gosp. Jurišića u Okružnom zatvoru u Beogradu. Članovi delegacije iskoristili su priliku da se sastanu i sa ministrom rada i socijalne politike u Vladi Republike Srbije, te predstavnicima pet odbora Narodne skupštine Republike Srbije, kako bi razgovarali o predmetnom slučaju, kao i pitanju poboljšanja odnosa između Bosne i Hercegovine i Republike Srbije.

Dana 18.01.2008.godine Ministarstvo pravde Bosne i Hercegovine je Ministarstvu pravde Republike Srbije prosljedilo zamolnicu Tužilaštva Bosne i Hercegovine za ustupanje krivičnog gonjenja gosp. Jurišića pravosudnim organima Bosne i Hercegovine.

Od Ministarstva pravde Republike Srbije je 30.05.2008. godine zaprimljen odgovor Okružnog suda u Beogradu-Vijeća za ratne zločine od 27.03.2008. godine, a kojim isto obaviještava ovo Ministarstvo da nisu ispunjeni uslovi za ustupanje krivičnog gonjenja Ilije Jurišića Bosni i Hercegovini.

Dana 13.02.2008.godine Ministarstvo pravde Bosne i Hercegovine uputilo je Ministarstvu pravde Republike Srbije molbu za pokretanje konsultativne procedure u svrhu dogovora zainteresiranih strana za rješavanje spornog pitanja i donošenja zajedničke odluke o tome koja država će nastaviti vođenje krivičnog postupka.

Od Ministarstva pravde Republike Srbije je 13.05.2008. godine zaprimljen akt od 30.04.2008. godine kojim je odbijena molba Ministarstva pravde Bosne i Hercegovine od 13.02.2008. godine i potvrđen stav Okružnog suda u Beogradu-Vijeća za ratne zločine da nisu ispunjeni uslovi za prenos postupka.

Nakon što su od Ministarstva pravde Republike Srbije zaprimljeni negativni odgovori po molbi za ekstradiciju navedenog lica, kao i po molbi za ustupanje krivičnog gonjenja nadležnim organima Bosne i Hercegovine, dana 01.07.2008. godine Ministarstvo pravde Bosne i Hercegovine se obratilo Ministarstvu pravde Republike Srbije sa molbom za izjašnjenje pravosudnih organa Republike Srbije da li bi imenovanom bilo omogućeno da se brani sa slobode u slučaju da nadležni pravosudni organi u Bosni i Hercegovini daju garancije da će Ilija Jurišić biti u svakom trenutku dostupan pravosudnim organima Republike Srbije.

Od Ministarstva pravde Republike Srbije dana 26.08.2008. godine obaviješteni smo da je ova zamolnica-upit samo prosljeđena Okružnom sudu u Beogradu-Vijeću za ratne zločine, odgovor na navedenu zamolnicu i pored više naših urgencija nije nam stigao.

Dana 23.06.2008. godine Ministarstvo pravde Bosne i Hercegovine je obavijestilo Vijeće Evrope-Evropski komitet za krivične probleme (CDPC) o problemima između Bosne i Hercegovine i Republike Srbije u provođenju Evropske konvencije o prenošenju postupaka u krivičnim stvarima i predložilo razrješenje istih u predmetu Ilija Jurišić.

U povodu tog prijedloga Ministarstvo pravde Bosne i Hercegovine je 04.09.2008. godine zaprimilo prijedlog predsjedavajućeg Evropskog komiteta za krivične probleme (CDPC) za održavanje sastanka predstavnika Bosne i Hercegovine i Republike Srbije u svrhu „ prijateljskog rješenja problema“ u skladu sa odredbama Evropske konvencije o prenošenju postupaka u krivičnim stvarima.

Predsjedavajući CDPC-a je predložio termin održavanja sastanka predstavnika Bosne i Hercegovine i Republike Srbije za 23.10.2008. godine u Strasbourgu.

Sa naše strane je prihvaćen predloženi termin i određeno da Bosnu i Hercegovinu na ovom sastanku zastupa predstavnik Ministarstva pravde Bosne i Hercegovine, koji je upućen u postupak pružanja međunarodne pravne pomoći i predstavnik Tužilaštva Bosne i Hercegovine, koje vodi predmetni postupak.

Do navedenog sastanka nije došlo zbog toga što su predstavnici Republike Srbije odbili da prisustvuju istom.

Bez prisustva predstavnika Republike Srbije problem se nije mogao riješiti, niti je Evropski komitet za krivične probleme (CDPC) preduzimao dalje radnje za razrješenje ovog slučaja, obzirom da on u skladu sa odredbama Evropske konvencije o prenošenju postupaka u krivičnim stvarima nema mogućnost nametanja rješenja, već samo postupa u cilju iznalaženja prijateljskog rješenja problema.

Dana 19.03.2009. godine obaviješteni smo od Ministarstva vanjskih poslova Bosne i Hercegovine da je 14.03.2009. godine gospođa Amira Arifović-Harms otpravnica poslova Ambasade Bosne i Hercegovine u Beogradu održala sastanak u vezi slučaja Ilije Jurišića sa Vladimirom Vukčevićem, glavnim tužiocem za ratne zločine Republike Srbije i Milanom Petrovićem, zamjenikom glavnog tužioca, koji je direktno zadužen za sve predmete koji se tiču Bosne i Hercegovine.

Zamjenik glavnog tužioca gospodin Petrović iznio je stav da bi suđenje Iliji Jurišiću trebalo da se okonča do kraja maja, eventualno do sredine juna ove godine.

U vezi s navedenim Ministarstvo pravde Bosne i Hercegovine je postupalo urgentno po svim zamolnicama u vezi ovog slučaja, tako da su putem ovog Ministarstva dostavljene mnoge izjave svjedoka, kako bi se postupak ubrzao i što prije okončao.

Nepravomoćna presuda donesena je 28.09.2009. godine

U vezi sa ovim predmetom i sličnim problemima koji se pojavljuju kroz pozitivne sukobe nadležnosti između dvije države je pokrenuto zaključivanje sporazuma, kojim bi se regulisalo ovo i slična pitanja.

Eksperti Ministarstva pravde Bosne i Hercegovine i Republike Srbije već su održali prvi krug pregovora i čeka se izjašnjenje Republike Srbije.

Dakle, Ministarstvo pravde Bosne i Hercegovine i ministar pravde Bosne i Hercegovine, preduzimali su i preduzimaće i dalje sve aktivnosti iz svoje nadležnosti u skladu sa zakonima Bosne i Hercegovine i međunarodnim ugovorima, a sve u cilju razrješenja predmetnog slučaja.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3407/09
Sarajevo, 3.12.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|---------------|------------|--------------|
| PRIMLJENO: | | | |
| Organizaciona jedinica | Klasifikacija | 04-12-2009 | Broj prijema |
| | | | |
| 01-50-1-15-62/09 | | | |

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 106. sjednici održanoj 3.12.2009. godine, utvrdilo je Odgovor na zastupničko pitanje koje je Denis Bećirović, zastupnik u Zastupničkom domu Parlamentarne skupštine Bosne i Hercegovine, postavio na 62. sjednici ovog doma održanoj 14.10.2009. godine.

U prilogu dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-3407/09
Sarajevo, 3.12.2009. godine

DENIS BEČIREVIĆ, poslanik u Predstavničkom domu Parlamentarne skupštine Bosne i Hercegovine na 62 sjednici Predstavničkog doma održanoj 14. oktobra 2009. godine, postavio je slijedeće pitanje:

„ Koje će konkretne mjere preduzeti MVP-a BiH u Vijeću ministara BiH, nakon objavljivanja neutemeljene i nepravedne presude Okružnog suda u Beogradu, državljaninu BiH Iliji Jurišiću, s ciljem zaštite elementarnih ljudskih prava istog“

Na postavljeno pitanje, Vijeće ministara Bosne i Hercegovine je na sjednici 106. održanoj 3.12. 2009. godine, utvrdilo slijedeći:

ODGOVOR

Ministarstvo vanjskih poslova BiH se i u ovom slučaju vodilo nadležnostima koja proističu iz Ustava BiH i Zakona o ministarstvima i drugim organima uprave Bosne i Hercegovine kao i Bečkom konvencijom o diplomatskim odnosima. Od mjeseca maja 2007. godine kada je na Beogradskom aerodromu uhapšen gradjanin BiH gosp. Ilija Jurišić, Ministarstvo vanjskih poslova Bosne i Hercegovine preuzelo je na sebe pružanje diplomatsko-konzularne zaštite u punom obimu i kapacitetu putem Ambasade BiH u Beogradu kao i sve neophodne diplomatske aktivnosti da se ovaj slučaj što prije okonča shodno odredbama Evropske konvencije o ekstradiciji i Evropske konvencije o prenosu postupaka u krivičnim stvarima, principima međunarodne pravne pomoći i u duhu daljnjeg razvoja dobrosusjedskih odnosa dvije države. (*detaljnije u prilogu Odgovora na poslaničko pitanje*)

Isto tako primili smo delegaciju Općinskog vijeća Tuzla i predstavnike Komisije za istinu OV Tuzla 14. aprila 2008. godine sa ciljem upoznavanja o vodjenim aktivnostima MVP-a BiH u ovom slučaju. Prethodna faktografija dijelom data i u Prilogu ovog odgovora ima za cilj činjenicu o kontinuiranoj brizi i diplomatskom djelovanju MVP-a BiH u ovom slučaju.

Poslaničko pitanje DENISA BEČIREVIĆA traži, koje postupke i mjere kao i diplomatske aktivnosti će poduzeti MVP-a BiH po izricanju presude Iliji Jurišiću od strane Okružnog suda za ratne zločine iz Beograda, Republika Srbija.

Pri definisanju Odgovora suočavamo se sa činjenicom da je presuda još uvijek nepravomoćna, principom da se sudske presude u principu ne komentarišu, ponajmanje od strane MVP-a BiH kao i činjenice da se podrazumjeva da je sudska vlast druge države samostalna i nezavisna u donošenju sudskih presuda.

Uzimajući u obzir da ovaj slučaj već treću godinu opterećuje odnose dvije zemlje, snažno zanimanje javnog mnjenja za tok sudskog procesa, protestni skupovi u znak podrške Iliji Jurišiću, zanimanje više poslanika Predstavničkog doma o ovom slučaju, MVP BiH će postupati i dalje shodno svojim nadležnostima što je već počelo realizirati otvorivši ponovo ovo pitanje na susretu ministara vanjskih poslova BiH i Republike Srbije održanih 22.10.2009.godine. I ovom prilikom je traženo postupanje i poštovanje Evropske konvencije o prenosu postupaka u krivičnim stvarima obzirom da još nisu iscrpljene sve mogućnosti za postupanje po ovoj Konvenciji respektujući činjenicu da presuda još nije pravosnažna. MVP BiH je odlučno da istrajava i dalje na punoj diplomatsko-konzularnoj zaštiti Ilije Jurišića.

MVP-a BiH će sačekati konačnu presudu Vrhovnog suda Republike Srbije po žalbi advokatskog tima za odbranu Ilije Jurišića i nakon toga procijeniti i programirati svoje obaveze po istom.

U prilogu: -- Odgovor MVP-a BiH Općinskom vijeću Tuzla



Broj 01/01
Sarajevo, 18. 12. 2007godine

Općina TUZLA
Općinsko vijeće
Komisija za istinu o Tuzli '92-'95

Poštovani!

Ministarstvo vanjskih poslova visoko cijeni Vašu brigu, aktivnosti i napore da se slučaj „Tuzlanska kolona“ prepusti organima pravosuđa BiH, a da se gospodin Ilija Jurišić bez daljnjih uslovljanja izruči Bosni i Hercegovini. U tom smislu MVP-a je u kontinuitetu bilo uključeno u ovaj predmet koji se vodi protiv našeg državljanina i shodno svojim ustavnim nadležnostima želi Vas informisati o poduzetim aktivnostima:

1. Ambasada Bosne i Hercegovine u Beogradu je odmah po saznanju za hapšenje gospodina Ilije Jurišića stupila u kontakt sa nadležnim organima Republike Srbije u cilju pružanja konzularne zaštite gosp. Jurišiću.
2. MVP-a BiH svojim aktom od 16.05.2007. godine obavijestilo je Ministarstvo pravde BiH da je dana 15.05.2007. godine sudac Dilparić Milan saslušao gosp. Jurišića u prisustvu savjetnika Ambasade Bosne i Hercegovine Petrović Milana, te advokata osumnjičenog, Protić Stevana.
3. Ambasada Bosne i Hercegovine 23.05.2007. godine dostavila je dopis Ministarstvu pravde BiH u kojem je navedeno da je predstavnik Ambasade BiH posjetio gosp. Jurišića u pritvorskoj jedinici Okružnog suda u Beogradu i susreo se sa istražnim sucem Milanom Dilparićem. U istom aktu sugerisano je da Tužiteljstvo Bosne i Hercegovine izrazi spremnost za preuzimanje istrage, odnosno da se izjasni da li već provodi istražne radnje, te da o tome informiše Okružni sud u Beogradu, radi daljnje saradnje.
4. MVP-a 09.07.2007. godine dostavilo je Ministarstvu pravde BiH Akt Ambasade BiH u Beogradu u kojem daje informaciju o saslušanju gosp. Jurišića 03.07.2007. godine pred istražnim sucem Okružnog suda u Beogradu - Odjeljenje za ratne zločine.
5. Povodom bilateralnih konsultacija MVP-a BiH i MIP-a Republike Srbije održanih u Beogradu 03.09.2007. godine slučaj „Tuzlanska kolona“ i pitanje izručenja gosp. Jurišića bilo je jedno od centralnih pitanja.
6. Predstavnici Ambasade Bosne i Hercegovine u Beogradu u stalnom su kontaktu sa gosp. Jurišićem sa ciljem pružanja potrebne konzularne zaštite.

7. Ministar vanjskih poslova lično, ovaj slučaj je prihvatio kao jedan od prioriteta u međudržavnim odnosima sa Republikom Srbijom, ostvario niz bilateralnih susreta sa ministrom vanjskih poslova R Srbije kojem je 06.12.2007. godine uputio posebno pismo uz cjelovitu argumentaciju za ustupanje predmeta "Tuzlanska kolona" pravosudju BiH, izručenju gosp. Jurišića BiH i izrazio bojazan da ovaj slučaj već značajno počinje opterećivati odnose dvije zemlje.

MVP-a Bosne i Hercegovine, Ambasada BiH u Beogradu ostaju predani i uporni da učine sve sa svoje strane da se ovaj slučaj što prije okonča shodno odredbama Evropske konvencije o ekstradiciji i Evropske konvencije o prenosu postupka u krivičnim stvarima, principima međunarodne pravne pomoći i u duhu razvoja dobrosusjedskih odnosa dvije države.

S poštovanjem!

Ministar

Sven Alkalaj



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3407/09
Sarajevo, 13.1.2010. godine

PARLAMENTARNA SKUPŠTINA BiH

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 111. sjednici održanoj 13.1.2010. godine, utvrdilo je Odgovor na zastupničko pitanje koje je postavio gosp. Denis Bećirović, zastupnik u Zastupničkom domu Parlamentarne skupštine Bosne i Hercegovine.

U prilogu dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša

01 -
14.01/10. dy

| | | | |
|--|----------------|------------|--------------|
| BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO | | | |
| PRIMLJENO: | 14.01.2010 | | |
| Organiz. broj jedinica | Klasif. oznaka | Redni broj | Broj priloga |
| | 0200 | | |
| 01-50-1-15-62/09 | | | |



**BOSNA I HERCEGOVINA
VIJEĆE MINISTARA**

Broj: 05-50-3407/09
Sarajevo, 13.1.2010. godine

Gospodin Denis Bećirović, poslanik u Predstavničkom domu Parlamentarne skupštine Bosne i Hercegovine, na 62. sjednici Predstavničkog doma, održanoj 14. 10. 2009. godine, postavio je Ministarstvu za ljudska prava i izbjeglice BiH poslaničko pitanje sljedeće sadržine:

1. „**Koje će konkretne mjere preduzeti Ministarstvo za ljudska prava i izbjeglice u Vijeću ministara BiH, nakon objavljivanja neutemeljene i nepravedne presude Okružnog suda u Beogradu, državljaninu BiH Iliji Jurišiću, s ciljem zaštite elementarnih ljudskih prava?**“

Na postavljeno poslaničko pitanje, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine („Službeni glasnik BiH“, broj 30/03, 42/03 i 81/06), na 111, sjednici održanoj 13. 1. 2010. godine, utvrdilo je sljedeći:

ODGOVOR

Postavljeno poslaničko pitanje sadrži više aspekata posmatranja „slučaja Jurišić“, pitanja koja su prisutna u kontaktima nadležnih institucija Bosne i Hercegovine i Republike Srbije.

Pravni aspekt u nekoliko navrata pojašnjavao je informacijama i odgovorima Ministarstva pravde BiH, a kojima su prethodili i pismeni i usmeni kontakti sa nadležnim ministarstvom i pravosudnim organima Republike Srbije.

Činjenica je da je Ilija Jurišić osuđen presudom Okružnog suda u Beogradu, da je presuda dostavljena njegovom pravnom zastupniku i da će se na ovu presudu u ostavljenom roku izjaviti žalba. Žalbom će se pobijati neutemeljenost i nepravednost presude, i to je pravo zagarantovano osuđenom.

Kada se izađe uz okvira formalnog, koje je kako je već rečeno zagarantovano, ostaju mogućnosti političkog i društvenog zahtjeva za zaštitu građanskih i ljudskih prava pojedinaca. Ministarstvo za ljudska prava u više navrata davalo je saopštenja za javnost koja su se odnosila na sudjenje Iliji Jurišiću, te organizovalo i posjetu Iliji Jurišiću. Drugi državni organi, preduzimali su aktivnosti iz svoje nadležnosti. Koliko je nama poznato i parlamentarna delegacija BiH organizavala je svoje aktivnosti u ovom slučaju.

Činjenica je da direktna komunikacija institucija Bosne i Hercegovine nakon hapšenja Ilije Jurišića nije dovela do promjene stava institucija Republike Srbije, što je

rezultiralo sudskom presudom. U slučaju ugrožavanja ljudskih prava, mnogo svrsishodniju ocjenu pravičnosti postupka i postupanja prema optuženom mogu da daju nevladine organizacije. Posebnu ulogu tu imaju one internacionalne nevladine organizacije koje pitanja kršenja ljudskih prava izdižu iznad političkih odnosa dvije države, ili koje jasno razaznaju i prezentuju svjestskoj javnosti političke razloge kršenja prava pojedinaca.

Ministarstvo za ljudska prava i izbjeglice BiH, sa pažnjom prati cijeli slučaj i kako je već rečeno uključuje se na način koji je moguć u odnosu na susjednu suverenu državu. I dalje je ministarstvo spremno reagovati i prema međunarodnim tijelima ukoliko porodica ili zakonski zastupnik ukaže na loš tretman, torturu, neljudske uslove smještaja, nepružanje zdravstvene njege i sl. u zatvoru u kojem je smješten Ilija Jurišić.

U tom smislu, a na osnovu otvorenog pisma upućenog Bosni i Hercegovini, Republici Srbiji i međunarodnoj zajednici od strane Fondacije „Istina Pravda Pomirenje“, Ministarstvo za ljudska prava i izbjeglice je 23. 12. 2009. godine prosljedilo zahtjev za monitoring uvjeta u kojima se nalazi osuđenik Ilija Jurišić u Okružnom zatvoru u Beogradu - Republika Srbija od strane Evropskog Komiteta za prevenciju torture i nehumanog i degradirajućeg tretmana ili kažnjavanja (CPT).

Međutim, bilo šta u vezi sa evetualnim razmatranjem ovog predmeta od strane Evropskog Komiteta za prevenciju torture i nehumanog i degradirajućeg tretmana ili kažnjavanja (CPT), Ministarstvo nije u mogućnosti da preudicira..